

# OMUKWETU

Registered at the General Post Office as a Newspaper

## Odjuulufi Yemanguluko MOngeleki

Oshoongalele sha keshe mudo okulipula onghalafano moumbuwanhu waAfrika, osha ningilwe vali muMapumulo, Natal muSeptemba 1974. Oilyo ihapu ya dile mEengeleki nomomahangano oya li ya ongala mo. "Ongeleki noukwashiwana", osho sha li oshipalanyolo shoshoongalele.

Pakundo twe li etelwa kovatunwa vOngeleki yetu; ovafita-ongalo Josia Mufeti, Reinhold Muremi na Mestela Immanuel Hatutale, oshoongalele osha kema koupika tau konekwa natango mu S.A. moinima ihapu. Okutunga po oshiwana shimwe ashike tashi pangelwa kehalo laKalunga, osho ashike sha talwa tashi mana po cupika ou.

Eenghatu dimwe okweeta po oshiwana eshi shipe oda yandjwa kEengeleki di di tule moilonga. Paxupi ohatu tumbula dimwe apa:

## Omalyenge omo tu li

Oshoongalele osha indila kovaitaveli aveshe okuhawana oko kwe litangela mufye ku kufwe po, po pu etwe onghalo tai holola ehala laKalunga. "Oshinakuwanifwa shetu okweeta po emanguluko moupolotika pawiliko laKalunga, wo u fimanekwe ngeenge itau tu ondubo nehala laKalunga." Osho oshoongalele sha hepaulula. (Tala kopardja 2)

OMALYENGE OMO TU LI ...

Da dja kep. 1

- + Otaku indilwa omahangano ovanailonga ovalaule a diminwe paveta.
- + Ehongo la yeuluka li diininwe komunhu keshe moshilongo fiyo peedula 16. Omulihongi a kale mofikola keshe tuu oyo ye mwene a hala mo
- + Omadiladilo ovalaule a fimanekwe. Mehongo mu longifwe tete elaka lomeumbo, opo nee Oshiingilisha nOshimbulu.
- + Ovalaule veengudu di lili nodi lili va ikililafane mokukundafana onghalomwenyo.
- + Etongoko leendjabi pokati komihoko osho yo lomakwafo omapendjelo li xulifwe po.

Ongeleki momaudjuu

Moipopiwa ihapu oyo ya konakonwa mouyelele weendjovo daKalunga, oshoongalelele osha fika mehepaululo eli kutya, Eengeleki pefimbo eli odi li melidilululo noda koneka ounghundi wado, eshi inadi ulika nale nhumbi i na okukala. Ongeleki oi ha kombada yaashishe, kai fi ehangano loupolotika.

Okukala mOngeleki yekuma, itashi ufwa hano koluvala, komuhoko ile konghalo keshe yopashitwe, ndelene okeifano laKalunga tashi hokololwa paitavelo meshasho. Ohatu shi kokeke nehepaululo, kutya Ongeleki yaKristus imwe aike mokati ketu, nosho oshilonga shetu okuulika oukumwe ou moitanaisho yovanhu aveshe.

Etumwalaka kEengeleka

Oshoongalele otashi indile Bengaleka: S.A.

- a) Di konakone onghalo ya S.A. mouyelele wevangeli.
  - b) Di hololele oilyo yado yovatilyane oshinakuwanifwa shavo mu S.A. noku ve linyengifa okweekelashi okuhee na oshili.
  - c) Oyuudifilo i longifwe kovafita aveshe ovalaule novatilyane mefimbo lixupi ile lile.
  - d) Meongalo keshe mu kale oyoongalele pokati kovakriste ovalaule noilumbu omolwoukumwe wopamwenyo nokundungikafana.
  - e) Eefikola doufita di yeulukile omuhoko keshe, haku dikwa vali pamihoko.
- Oinima ei oya pumbiwa i kundafanwe mEengeleki nomomahangano. Osho ehalelo looshoongalele la hololwa moitya ei.

+++++

T A N G I    K E Y A K U L O    L E N I

Ohandi mu pandulile eyakulo leni nye amushe mu li mOwambo nomOushimba kombinga yeumbò lange eshi kwa li la pya po komundilo, 1973. Ekwafu leni alishe ola fika momake ange.

Eumbo paife ola fikama keyakulo leni. Eshi kwa li ndihee na eshi hai djala, paife ohandi ende pouyelele nda mangu-luka keyakulo leni. Okwa li nda hala

la okunyolela keshe umwe weni, opo ndi mu pandule, nde omuvahapu.

Ohandi indile Omukwetu e mu fikifile omapandulo etu. Omwene ne mu punike amushe ye ne mu we-dele po vali poinima yeni opo mwa kufile.

(Jakob Haileka)  
Okalongo

OSHILONGA SHAANTU OKUGONGELA MANGA KALUNGA

TA YOOLOLA

Oshilongo shegulu ongashi oshiyuulitho shoohi she endithilwa mefuta no-sha gongele oohi dholudhi kehe. Sho shu udha oye shi hilile komunkulo noya yoolola mo ndhoka oombwanawa, ye dhi tula miyuma. The oombwinayi, oye dhi ekelehi....Mat.13:47-50

=====

Osoondaha ya hugunina yOmumvongeleki, omumvo kehe Ongeleki ohayi dhimbulukwa Esiku lya hugunina nepangulo lyalyo tali ningwa kOmushiti. Tu taleni pafupi elaka lyOsoondaha ndjoka muumvo 24.11.1974.

Shono sha lombwelelwe Petrus namumwayina petameko lela manga taa ithanenwa moshilonga kuJesus, otaye shi endlulilwa ishewe mpaka, ihe otaa talithwa kehulilo lyasho. Oshilonga shaalongwa osho okuyuula ashike aantu. Mat. 4:19 Luk. 5:10 Inaa pewa sha shi vule mpaka.

Ihe emakelo lyokugwedhela ko koshilonga shawo, olya kala aluhe popepi nayo, ngashi lya thikamena wo aluhe Ongeleki kehe. Oshiholelwa shi shi okutumbulwa mpaka, pamwe ongashi eindilo lyaamentu yaSebedeus, omulilogu ze megulu gu lungunithe po Samaria. Egando lyaJesus olya li lya yela Aawe, hane tamu yoolola. Kamu shi shi one yoombepo dhini...

Mpaka otu na epulo tali tu thikamene omumvo kehe mOngeleki yetu. Mboka ya kondwa megongalo muule womimvo ne dha zi ko, oye thike lwopo 400. Epulo edhigu olyo ndika ngele otwa longo oshilonga shetu nenge otwa yoolola manga tu li momeya. Patekisti ndjino eha lyomayoololelo okomunkulo. Lago enene shoka mboka ya taambelwa mo mOngeleki ethimbo ndyoka, oye vule mbeyaka.

"Aawe, etheni ga kokele mumwe niilya," osho mwene gwepya kwa li a yamukula Mat. 13:28-30 Nenge, "Inamu umba oshiponga manga.." Ehol. 7:3 Oshilonga shOngeleki osho okugongela, hakuyoolola. Aayengeli pamwe naKristus oyo aayoololi. Mat. 25:31. Otse wo aagongeli eha lyetu oli li mongundu yaagongelwa tatu tegelele euthilo . Luk. 12:43-44

Ishewe ongaagongeli katu na eha lyompungulo yaayoololwa. Iiyuma oyi li komunkulo. Ov. 48 Ongeleki kayi shi oshiyuma shompungulo, ihe osikepa yowala okufala aayendifuta. Oyo onete yokugongela aana yaKalunga ya falwe komunkulo hoka ku na iiyuma. Ov. 47

"Petrus, otandi ku pe iipatululo yoshilongo shegulu okumanga nokumangulula." Mat. 16:19 Ihe shino ine shi lombwelwa manga ina thikithwa tango montseyo yu udha kutya, haye omuyoololi. Nonuumvo otu na ngiika mboka ya tseyika komadhina nokiilonga, ya tegithwa Osoondaha yEpangulo. Ondi na ondjuulukwe onene, patekisti ndjika Osoondaha ya tya ngaaka yi ka hilile natango onete komunkulo gwefuta, peha lyokupetama nokuyoolola. Paulus ta londodha kutya: Mumbyoka ho pangula osho wo ho ningi. Rom.2:1

Motekisti kamu na ashike oshikalimo shokuganda aayoololi. Muka otatu pewa wo euvaneko tali opalele uunkundi wetu. Okukwata iinamwenyo mefuta lya mbwalangandja kokule, otashi pula oondunge noonkondo. Ihe shono itashi sitha omuyuli gwoohi uunyè, okweekela onete ye momeya. Osho tapu ningwa nomeuvitho lyevangeli.

Osha gandjwa euvaneko kutya, Itadhi igalukile nando Jes. 55:11 Li umbila mo muumbwalangandja wegongalo, womikunda nenge woshilongo. Omo tali adha aafundja, aadhipagi, aayugi naayuuki notali ya kombelele lye yu ukitha komunkulo. Ongeleki yomakuma noyopambepo otadhi tungwa moludhi nduka. Tu hilileni atuheni komunkulo Kristus a ka longe oshilonga she.

(Sebulon Ekandjo)

UUTEKU WOLUVALO LWETU

Ohatu nyanyukilwa shili omagano omanene nomawanawa gaanona ngoka twe ga pewa kuKalunga. Moku ga pewa ngeyi, otwa pewa oshilonga oshinene kOmuwa gwetu oku ga putudha noku ga tekula. Kalunga ota tegelele tu shi ninge pamikalo mbali. Uuteku wopambepo muuteku wopalutu.

1. Muuteku wopambepo otatu longitha oohapu dhaKalunga. MOmaevange-li paLukas 18:15-17 na Mateus 18:15-20 otamu popiwa okufala aanona ku-Jesus. Okufala aanona kuye otatu shi ningi shoi tatu ya galikanene, tatu : ya leshele oohapu dhaKalunga, tatu ya longo omaimbilo notatu ya fatulu-lile nkene Jesus e li po shili kuume kawo, yo ya kale ye hole oohapu dhe. Nena aanona otaa ningi shili aavuliki kiipango nokehalo lyaKalunga notaa igiliile okulongela Omukulili gwawo manga aashona nokuli.

Kala aluhe mekwatathano nomunona mokukundathana naye, oshoka shika otashi mu kwatha unene mehungomwenyo lye notashi mu tekulile emanguluko neigililo lyeimatulo lyomwenyo gwe omolwomaudhigu gi ili nogi ili gomwenyo gwe. Mu fatululila shoka edhimopo lyoondjo shoka tali ti ne-itaalo lye nkene lya pumbiwa mo.

Omunona ngele a holola oshili omolweyono e li ningi, mu pa shili ombili nou mu hololele wo kutya eyono lye olya dhimwa po shili nokwa pewa ombili kuJesus kuume kaanona. Uuna omunona ta ka yona komeho, ota ka kala omukongi gwombili koshipala shaakuluntu ye noshOmukulili gwe. Nomunona sho a tseya kutya aakuluntu ye ohaye mu dhimine po, nohaye mu pe ombili yashili, nena ita ka kala we nokulimbililwa ombili ndjoka te yi pewa kOmukulili gwe. Longa ano omunona manga omushona oku ku inekela nokwiinekela Jesus. Mbuka owo uuteku washili wopambepo wa pumbiwa kaanona yetu.

2. Muuteku wopalutu nowopantu meme ota gandja iikulya komunona. Ota yogo nota zaleke okanona. Ote ka longo oongunge dhokukunda aayenda nokusimaneka aakuluntu, opo a mone elago lye mu uvanekelwa moshipango oshitine.

Omunona ota pumbwa shili ohole oyindjiyindji kuyina mokuputudhwa ngeyi Moku mu pa iimpwiyu yi ili noyi ili na dhimbulule shili nkene to shi mu ningile mohole. Omunona ngele ta dhimbulula kee holike kuyina, ota shi mu etele omalimbililo ogendji omawinayi noti idhini eta gwile mokukalamwenyo kuupongo okuza muunona we sigo muukuluntu we. Omoluusama weputudho, aanona oyendji oya yonukile mpaka.

Esiku omunona ta valelwa muuyuni, olyo wo siku ta haluka tangotango. Oshoka pokuvalwa kwe ota topoka lwotango na yina nge ta zi mela note ya muuyuni. Manga e li mela, okwa li mekwatathano nomegameno ewanawa lya yina. Okwa li wo metifa lyohole ya yina, e yi li pokati lela. Nga-shingeyi ota valwa nota yi mokukalamwenyo okupeeppee kuye taku mu halutha. Onke okulila kwomunona ku uvila ko wo mekwatathano nelunduluko ndika. Aluhe omunona pokuvalwa ota lili mehaluko ndika ta ti: "Aa-aa-aa."

Ekwatathano lya yina nomunona ohali tamekwa pokati kawo manga omunona ta tegelelwa notali tsikilwa, ihe nashi ningwe pamukalo omwanawa gwohole monkalathano ya yina nomunona muuyuni. Omunona ngele a dhimbulula kee holike kuyina muuyuni, otashi mu halukitha ishewe. Ohole yomunona nayina oyi na omidhi dha za muule, oshoka yina oye omuhumbati gwe methimbo lye-tegelelo. Eputudho lyohole kali shi ondhundha. Ino etha omumwoye nenge omutekulwa a gwanithe aluhe ehale lye. Mu longa etegelelo neidhidhimi-ko. Ino mu pangela muukolokoshi, nompango yaa na ohenda. Kee shi omupika. Omunona ina tseya kutya oho mu yeleanitha e vulike kumukwawo ngandi, rawe. Otashi eta eidhino muye.

Tu igandjeni kOmukulili gwetu e tu pe oondunge tu tekule aalelwa yetu pahalo lye.

(Aino Dumeni)

EYAPULO LYAASITA MENGELA

Ongundu yaasitalongwa ya kala melongekidho lyuusitagongalo mEngela, okuza 1973, Epangelongeleki olya tokola ya ka yapulilwe oshilonga shoka eti 24.11.1974 Kalunga ngele e shi hala. Ndjika oyo ongundu yotango tayi pitila ~~misita~~ tagongalo mOwambo, okuza sho Oseminali yuukumwe wOngeleki ~~okwa~~ evangeli paLuther muSuidwes ya dhikwa 1963, mOtjimbingwe.

Aalongwa 14, mwa gwedhwa gumwe a za komwamemengeleki ELK, mUshimba, oyendji oya kala shito ethimbo ele meyakulo lyomagongalo mOwambo nenge mUshimba ongaayevangeliste. Ongeleki ya ELOK, oye ya inekelele etsikilo ndika, muukokele wawo nokuli pategameno taa ka yakula neitulomo ngaashi shito.

Omagongalo agehe oga indilwa kEpangelongeleki okudhimbulukwa oshituthi shika shomEngela, momagalikaneno.

ONDIGOLO MOSHIGONGI SHA-NANGUTU

Oshigongi shotango shoshigwana shopaveta okuza 1972 uuna oveta yeindiko lyiigongi (R17/1972) ya dhikwa mOwambo, osha ekelehi natango omavigumbo nehogololo lyOwambo 1975 pwaa na ekondjithwo. Osha li sha hiywa komusamane Johannes Jefta Nangutuuala, okupopya sha kehogololo lyOwambo.

Oshigongi sha ningwa petameko lyomwea dhi nguka, osha ekelehi omadhiladhilo agehe gomukalopangelo gwomavigumbo mu Namibia, sha ningwa neyelutho lyiikaha nokupopila uukumwe wevi alihe. Shika osha ningwa manga oshigongi shi li mewiliko lyomukwaniilwa gwoshilongo Filemon Elifas, omini-steli omukuluntu mEpangelo lyOwambo.

Iilyo iikwawo mEpangelo ndika ya li moshigongi, inayi kondjitha etokolo montaneho yo inayi yelutha omake mokweekelahi pamwe noshigwana.

Moshigongi shika sha ningilwa pOluno, mOndonga, omwa tamanekwa oo-veta adhihe dhokatongotongo, mo inamu popilwa nando omukwaniilwa gwoshilongo a longe iilonga yuuministeli nenge yoombelewa.

Edhiladhilo lyomukwaniilwa kaa longele ondjambi ngashi omuthigona, olya ligolelwa nondigolo yoshiwambo kaakiintu ya li moshigongi.

Pehulilo omunashipundi omukwaniilwa Shuumbwa, okwa li a pandula oshigongi sho she mu inekelele ewiliko noku shi pandula wo, sho a ti kutya oshe ende mombepo ombwanawa.

Komeho omukwaniilwa okwa fatulula moradio Owambo, kutya omolwashike a taamba ewiliko lyoshigongi shaa shi shEpangelo.


Okwa ti ye ita zimine omatokolo ga ningwa moshigongi shoka. Newiliko okwe li taamba okugamena ombili yoshigongi.

Etokolo lyaantu okwekelahi evigumbo moshigongi shika, olya ya ethimbo ele, nosha li sha yelithwa nawa mehogololo lyaayehe lyomumvo 1973 moka opelesenda 2.7 adhike dhaantu ya yile kuu-ketha wehogololo. Konyala oshigwana ashihe inashi ya ko.

Omolwokutinda kwaantu omavigumbo mehogololo ndiyaka, otapu hiywa natango ekwawo 1975 ku monike aniwa aawiliki yokela mevigumbo. Aantu lll oyi igandja nale noku-li mehogololo, ya tale oshigwana ngele otashi ya zimine.

Iilyo 35 oyi iulika nale pwaa na we omaludhi.

Omwaniilwa ina shaina oontokolwa dhoshigongi, oshoka ine shi yalula.



E T A L E L O P O M O M A P Y A T U M O

Oomeme, opo tuu mu li? Sho mu li po mwi ipyakidhila ngashingeyi noshilonga shetumo mOngeleki, konyala omagongalo agehe nokuli, shino oshi shi okuhambelelelwa Kalunga. Onke onda hala oku mu hololela wo shono twe shi mono molweendo nduka lwa tsa kumwe noshilonga sheni nolu li po iiyimati yomagalikaneno geni.

Ohenda ndjika oya pelwe omagongalo gane; Ongwediva, Ompundja, Oniimwandi, na Elimi-Kando. Pahiyo newiliko lyomutumwa Matti Seppälä osheendo osha li sha longekidhwa.

MuAguste 1974 otwiitula mondjila ndjoka tu niwe kOmashete gOngeleki (o-shihauto). Osha li shi nyanyudha okutalwa noku<sup>shiladhilwa</sup> nkene oomeme

**aagundjuka naakulupe taa matuka nondapo yahugunina mokulonga oshilonga-tumo. Omufungelo gwawo ngoka ye ga longekidhile aamwatate mbeyaka, hangaye tandi gu popi, Mashete oye ne gu hokolole, oshoka okwa li a nyengwa oku gu thikitha ko aguhe. Aakulukadhi ihaa itakekwa taa.**

Ohungi nontanda otwe yi ningile mEtunda. Mpeyaka aanona yAadhimba nAahimba otaa putudhilwa ukriste nopu na etegameno kutya komeho uupagani otau ka shokolithwa kepipi mdika moshigwana shiyaka. Omukriste gwtango mpeyaka tate Andreas Kayekwapo okwe tu hololele oluhepo lwawo lwomunashilonga ta vulu okushasha. Eyeme kuyu omushashwa gwomosikola yawo ta kwatwa kuuvu ombaadhilila, eta si. Omolwaashino oomeme, otwa dhi-mbulula shili kutya, ayihe twa li twe ya faalele, iikulya nomizalo, nani mbika oyo iihohela yowala.

Mpaka meme dhiladhila po nawa muule, sigo wa mono oshike sha pumbiwapo unene komeho goshikwawo.

Esiku lya landula otwa ningi owandaha noku ya pa mbika nde yi luku iihohela yowala. Otwa tsikile ondjila yetu tu uka kEtoto. Kandi shi kutumbula uule wondjila ndjoka, nomokati komakuti omanene moka otwa adha egongalo enene peha li na edhina: Otshekwa. Shono sha gongelwa mpono oku pa oongombe omeya ngaashi ye ga longekidhilwa kepangelo. Noshikwawo iikunwa. Aaniipindi oye ya ya tentene mpoka pu na omeya opo ye ya kwate nawa. Kaye na po nando gumwe te ya lombwele Kristus. Naampaka meme dhiladhila nawa noluhodhi.

Twa tsikile ishewe muule wondjila yetu, tu thike kEtoto, pondundu yoshilambo pokati. Opo pwa za edhina Etoto, ooyene osho ya luku. Ihe naankoka wo egongslo oko twe li adha taa kandula oshipeta sha gwa moongombe dhawo yene. Tala, mboka tu ya shile uuyamba, ngashingeyi oyu uka meshunduko.

Omavu wu oko twe ga adha kaye na ngoka te ya pe omiti, kapu na ngoka te ya fala kEtunda koshipangelo. Uule wondjila otau pangele, onkene ya mwena ongoyi iyekelela mungoka e ya shiti. Oomeme, ayihe twa li tu yi na, onda ti kutya oyo iihohela yowala.

Twa ningi ohungi nonguka elongelokalunga payakulo lyumusitagongalo J.V. Kaapanda. Omuyevangeliste Omudhimba, tate Jeremia Tjilumbu mevithi lye lya kola, koshigwana she inashi hala oku uva ko ehipitho li li konima yeso omolwokusa po kwaamboka ya shashwa, omwa li iitya mbika:

Omumwameme, ino kwidhidhikwa omadhiladhilo goye kombila. Ombila oyi na ombululu. Yelutha omadhiladhilo goye u tale haandiyaka oku na ehupitho lyaaluhe nongholongo yaaluhe.

Meme to longo oshilonga shika naangoka ino tameka natango, ekundo ndika hali ninge lyoye wo. Kaayenda, tate Tjilumbu okwa ti:

(Tala kepanja 7)

DHA ZA kep. 6

"Ketalelopo lyeni aamwameme, otwa tsuwa shili omukumo notu shi shi shili kutya Ongeleki yaKristus oyi na omeho taga mono kokule nomakutsi haga uvu kokule, onke ya longekidha mu ye kutse. Okuya po kweni okwe tu ulukile, kutya hatse atuke mekondjo. Oku na wo oyendji taye tu sile oshimpwiyu. Tangi sho mwi ile po.

Pankundathana ndhoka twa li nadho pamwe naawiliki ooyakwetu omolwoshi-longatumo momagongalo, otwa dhimbulula nkene tatu longeni twa halakana nonando tu lyeni moshilonga shimwe. Shaamboka otaa ilongele pegongalo lyaandjawa. Aakwiita haa lu ya halakana, ihaa tompola sha.

Otwa li twa kwatwa kondjuulukwe ando tu gongaleni pamwe tu kundathaneni. Omeme, inamu dhimbwa kutya otu neni oshiketha shetweni kombelewa yOngeleki, nonando Aangwediva ayeke ye li mo sigo onena. Tu kuthe-ni oshiholelwa komahangano omakwetu mOngeleki. Ondi na omukumo, Kalunga ote ke shi yelitha mbala.

Medhina lyaKristus, otandi mu kundu, Omumwanyoko,

(Josefina Nangolo, Ongwediva)

---

SUID-AFRIKA NA SWAPO TUU MEEENGHUNDAFANA ?

Onghundana ya dja muNew York, Amerika, otai hokolola Epangelo la S.A. la hovela nale eenghundafana domonguvi nEpangelo laZambia, di na sha nemanguluko laNamibia (Suidwes-Afrika) Efaneko likwao la kwata monghama ola monika natango muNew York, omo S.A. a itavela okuyandj diva Namibia momake a VVO, shiimba 1975.

Pafaneko eli, okwa tiwa yo nokutya opwa teeelwa S.A. a ye diva meenghunda-fana na SWAPO omudo tau uya, omukalo oo wa pandika unene kuBritania Fulanisha naAmerika. Omolweudaneko eli, osho sha amena S.A. aha tewe mo mehanganano la VVO neudo. (Die Suidwes-Afrikaner 1/11/74)

Eenghundafana okwa tengenekwa di hovele muDen Haag.

Omukalelipo waAmerika mo VVO, meme B.White okwa popya momutumba ou u li po paife ta ti, kutya Epangelo laye oli udite onya koixuna tai longwa muNamibia, nde ova itavela yo omaudaneko a ningwa ku S.A. okuyandja emanguluko laNamibia, kutya otaa ka wanifwa.

Pamupopyo wa Sean McBride ou a hoololwa a ninge Komufala wa Namibia, ye ota ti, okwe shi itavela ke na mambibililo nokutya S.A, Namibia ote ke li yandja muSeptemba 1975 ko VVO Epangelo la VVO muNamibia, olo Mac Bride ta ti ktya, otali hovele konima

nima yeehani 10, otali kala ashiko ofimbo ngeenge olile, odula imwe, fimbo tapu longekidwa ehoololo laaveshe moshilongo.

Elongekido lehoololo osha kwatelela mo okuyelifa nawa omukalo wehoololo, okutopola eenhele domahoololelo, eongelo lomadina ovahoololwa nokutula eengudu adisho dovapolotika meshikulafano.

Aishe ngeenge oya ende nawa ngashi ya pulandwa, opwa tengenekwa yo kutya fiku limwe eenghundafana pokati kaye na SWAPO, otadi ka twikila muZambia ile muPretoria.

Eshi tashi udika natango poluhaela mokanya ka S. A. meni loshilongo, osho ngaha kutya onnyuni nau yandje natango efimbo la wana koiwana aishe ya Suidwe-Afrika, opo i konge etokolo layo vene. (Die Suidwester 6/11/1974)

A H U L I T H A O O N D J E N D A D H E

Kuku Lovisa Nuunyango, omuselekadhi gwa nakusa Mateus Angolo, mOngandjera, okwa tembukile muukwaaluhe eti 14. 9.1974, konima yuuwehame we-thimbo ele. Oshituthi shefumviko osha ningwa megongalo lyaandjawa mEtilyasa 16.9.1974 mewiliko lyomutonatelishitayingeleki Jason Amakutuwa, komusita gwegongalo Johannes Kalenga nokomusitagongalo tatekulu Elia Haipinge.

Kuku gwaNuunyango okwa kala muuselekadhi oomvula 25 sho a thigilwepo komusamane gwe esiku olyo tuu ndyoka 14 lyomwedhi tuu ngoka 9 omumvo 1949. E hole eitaalo sigo okusa kwe. Okwa thigi ko oyana 6, aatekulu 27 naatekulululwa 3.

Gumwe gwoothigwa okwa ti: Otatu mu pandula unene aaholike molwaashihe mwe shi tu ningile pethimbo lyoluhodhi lwetu. Tate Kalunga ne mu galulile uwanawa auhe.

(L.Angolo)

EITHANO LYAATUMWA

Aatumwa yatano otaa indilwa kOngeliki ya ELOK, opo ya galukile ishewe miilonga yawo mpaka konima yefudho lyawo muSoomi.

Kaarin Haldin, Eine Valimää, Kaisa Lahtonen, Aune Hirvonen na meme Anna-Liisa Sorsa oyo ya mono ehiyo ndika kOngeliki.

Aatumwa mbaka oyo aapangi naalongsikola mboka ya longo ethimbo ele mpaka.

Ya Galuka

Aatumwa Anneli Linkola na Toini Hihnala, ayehe aapangi, oya galukile miilonga yawo sho ya fudhilé po oomwedhi dhimwe kevi lyoojina.

+++++++

O S H I K E F A S H E P A N D U

Omukanda tau indile ongalo yehambelelo, owa tandavelifwa nOwambo aishe omolwoshilonga shefimbo lile sha longwa ku meekulu Anna-Liisa Sorsa shouteku wovahongifikola mOwambo. Ediladilo ola etwa kuvamwe vomovalongi. Pamadiladilo avo, oimaliwa tai umbwa, otai longifwa mOngeliki. Edina loshikefa li kale: A-L Sorsa

P A U L I N U M

Omuwilikingeleki K. Dumeni okwa talela po ombadilila ofikola yofita kuPaulinum, Otjimbingwe, pamwe noilyo imwe yEpangelongeleki.

Oseminali ei yaVELKSWA yovafita, omudo tau uya 1975 otai ka kala mewiliko lOvayafrika Rev. Zephanja Kameeta nomuponhelé waye Rev. Abisalomo Hasheela.

Ovahongwafita vane mOseminali ei, okwa teelelwa ve ke lideule momongalo a ELOK, eehani 6 omudo 75.

O M U K W E T U

Oye oshifo shOngeliki onkwaevangeli paLutheli yomOwambokavango. Oshashi nyanyangidhwa mOniipa. Omukuluntu gwOshifo omumbisofi Dr. L. Auala Amushanga gwasho Rev. S. Ekandjo

Ondando yOshifo komumvo muSuidwes nomuAfrika alihe R 1,00 nokombanda yomafuta R 2,00.

Oondando nomambesitelo naga tuminwe kOmukwetu, Oniipa, P/B. 2013, Ondangwa, 9270. Omatseyitho agehe gomuntu mwene otaga tuminwa ofuto yago

Owambokavango Church Press  
Private Bag 2013, Ondangwa, 9270 SWA